

**CONCELLO DE XOVE**

**MEMORIA EXPLICATIVA  
DO  
ORZAMENTO MUNICIPAL DO EXERCICIO 2017**

Que formula o Alcalde-Presidente

**D. JOSÉ DEMETRIO SALGUEIRO RAPA**

(Art. 168.1.a. RDL 2/2004, de 5 de marzo)



## MEMORIA DO ORZAMENTO XERAL PARA 2.017

DEMETRIO SALGUEIRO RAPA, ALCALDE-PRESIDENTE DO CONCELLO DE XOVE, FORMULO A PRESENTE MEMORIA EN CUMPRIMENTO DO DISPOSTO NA SEGUINTE,

### 1. LEXISLACIÓN APLICABLE

A formulación do presente Orzamento realízase de acordo co establecido nos seguintes textos legais:

#### A) Lexislación de Réxime Local

- Lei Reguladora das Bases de Réximen Local (Lei 7/1985, de 2 de abril), en adiante **LRBRL**.
- Lei Reguladora das Facendas Locais (texto refundido aprobado por RDL 2/2004 de 5 de marzo), en adiante **LFL**.
- Real Decreto 500/1990, de 20 de abril, polo que se desenvolve o Capítulo primeiro do Título sexto da Lei 39/1988, en materia de orzamentos.

#### B) Lexislación Estatal

- LO 2/2012, de 27 de abril, de Estabilidade Orzamentaria e Sostenibilidade Financeira (LOEOSF)
- Lei 48/2015, de 29 de outubro, de Orzamentos Xerais do Estado para 2016, na súa prórroga para 2017
- RD 1463/2007, de 2 de novembro, polo que se aproba o regulamento de desenvolvemento da Lei 18/2001, de 12 de decembro, de Estabilidade Orzamentaria
- ORDE HAP/2015/2012, de 1 de outubro, pola que se desenvolven as obrigas de subministración de información previstas na LOEOSF, modificada por Orde HAP/2082/2014

### 2. CONTIDO E ANEXOS DO ORZAMENTO XERAL

En virtude do estipulado nas normas reseñadas, as entidades locais deben aprobar anualmente un Orzamento único que coincide co ano natural e que estea integrado polo da propia entidade e os de tódolos organismos e empresas locais con personalidade xurídica propia dependentes daquela (Art. 121.1 da **LRBRL** e 164.1 da **LFL**).

No caso deste Concello o orzamento único é o da propia entidade, pois non existen organismos e empresas dependentes. E este mesmo constitúe o Orzamento Xeral a que se refire a **LFL** nos seus artigos 162 e seguintes.

O Orzamento Xeral, segundo o art. 165.1 da **LFL**, conterá, para cada un dos orzamentos que o integran:

- a) Os Estados de Gastos, nos que se incluírán, coa debida especificación, os créditos necesarios para atender ó cumprimento das obrigas.
- b) Os Estados de Ingresos, nos que figurarán as estimacións dos distintos recursos económicos a liquidar durante o exercicio.

Asimesmo, incluírá as bases de execución.

Ademáis, de conformidade co establecido na citada **LFL**, ó Orzamento Xeral deberán unir:

-- Segundo o art. 166.1.d) e como anexo:

- "O Estado de previsión de movementos e situación da débeda comprensiva do detalle de operacións de crédito ou de endebedamento pendentes de reembolso ó principio do exercicio e do volumen de endebedamento ó peche do exercicio económico...."

(O resto dos anexos esixibles, segundo os apartados a), b) e c) do art. 147.1 e puntos 2 e 3 do mesmo artigo 147, non teñen sentido no caso deste Concello, pois como se indicou mais enriba, non existen organismos e empresas dependentes).

-- E segundo o art. 168:

- a) Memoria explicativa do contido do Orzamento e das principais modificacións que presenta en relación co vixente.
- b) Liquidación do orzamento do exercicio anterior e avance da do corrente.
- c) Anexo de personal.
- d) Anexo de investimentos a realizar no exercicio.
- e) Anexo de beneficios fiscais
- f) Anexo con información relativa aos convenios subscritos coa Comunidade Autónoma en materia de gasto social
- g) Informe económico-financiero.



### 3. CONTIDO E MODIFICACIÓNS EN RELACIÓN CO ORZAMENTO DO EXERCICIO ANTERIOR

O Orzamento Municipal para o exercicio 2017 preséntase con un superávit inicial de 961.900,00 EUROS, ascendendo o Estado de Ingresos a OITO MILLÓNS CATROCENTOS CINCUENTA E TRES MIL DOUSCENTOS EUROS (8.453.200,00 €) e o Estado de Gastos a SETE MILLÓNS CATROCENTOS NOVENTA E UN MIL TRESCENTOS EUROS (7.491.300,00 €) euros. O motivo de que non exista nivelación inicial en gastos e en ingresos é, en parte, acadar o cumprimento da Regra de Gasto na Liquidación do exercicio, que actúa como freno á vontade de realizar un meirande nivel de gasto non financeiro; e pola outra banda, deixar unha marxe de crédito para a posible realización de créditos extraordinarios ou suplementos de crédito financiados con cargo ao remanente líquido de tesourería que se acade na liquidación de 2.016. A taxa de referencia do crecemento do PIB para 2016 sitúase en 2.20%.

Os créditos do Estado de Gastos por operacións correntes (Capítulos 1, 2, 3 e 4) importan un total de **5.844.200,00 €**, repartidos do seguinte xeito:

\*Os gastos de personal elévanse a **2.621.300,00** supón o **34,99%** do total.

\*Os gastos en bens correntes e servizos se elevan a **2.864.400,00 €**, o cal supón o **38,24%** do total.

\*Os gastos financeiros elévanse a **2.000,00 €**, o cal supón o **0,03%** do total.

\*As transferencias correntes en concepto de premios, axudas, subvencións ás, asociacións, clubs deportivos, outras administracións, etc., cuantifícanse en **356.500,00 €**, o cal supón o **4,76%** do total.

Os créditos por operacións de capital (Capítulos 6, 7, 8 e 9) importan un total de **1.647.100,00 €**, distribuídos do seguinte xeito:

\*Os gastos de investimentos se elevan a **1.437.100,00 €**, co detalle que figura no Anexo, o cal supón o **19,18%** do total.

\*Os gastos de transferencias de capital elévanse a **210.000,00 €**, o cal supón o **2,80%** do total.

As previsións do Estado de Ingresos por operacións correntes (Capítulos 1, 2, 3, 4 e 5) importan un total de **8.330.291,60 €**, distribuídos do seguinte xeito:

\*No capítulo 1º, Impostos Directos (IBI, IVTM, IAE) as previsións estímanse en **3.915.000,00 €**, o cal supón o **46,31%** do total.

\*No capítulo 2º, Impostos Indirectos (ICIO), as previsións estímanse en **8.000,00 €**, o que supón o **0,10%** do total.

\*No capítulo 3º, de Taxas e outros ingresos, as previsións elévanse a **3.203.491,60 €**, o cal supón o **37,90%** do total.

\*O capítulo 4º, de Transferencias Correntes, recolle as axudas e subvencións procedentes doutras Administracións (Estado, Comunidade Autónoma...) e destinadas a financiar gasto corrente. As previsións deste capítulo ascenden a **1.169.300,00 €**, o cal supón o **13,83%** do total.

\*O capítulo 5º, de Ingresos Patrimoniais por intereses de depósitos e diversos cánones que percibe o Concello, se cifra en **34.500,00 €**, o cal supón o **0,41%** do total.

As previsións por operacións de capital (Capítulos 6, 7, 8 e 9) son as seguintes:

\*O capítulo 7º de Transferencias de Capital, elévase a **122.908,40 €**, o que supón o **1,45%** do total.

#### ESTADO DE GASTOS

| <b>GASTOS</b>         |                                     |                     |                     |                                            |
|-----------------------|-------------------------------------|---------------------|---------------------|--------------------------------------------|
| <b>CAPÍTULO</b>       | <b>DENOMINACIÓN</b>                 | <b>2017</b>         | <b>2016</b>         | <b>Incremento/<br/>Disminución<br/>(%)</b> |
| Capítulo 1            | GASTOS DE PERSOAL                   | 2.621.300,00        | 2.670.000,00        | -1.82                                      |
| Capítulo 2            | GASTOS BENS CORRENTES E<br>SERVIZOS | 2.864.400,00        | 2.379.900,00        | 20.36                                      |
| Capítulo 3            | GASTOS FINANCIEROS                  | 2.000,00            | 2.000,00            | -                                          |
| Capítulo 4            | TRANSFERENCIAS CORRENTES            | 356.500,00          | 320.100,00          | 11.37                                      |
| Capítulo 6            | INVESTIMENTOS REAIS                 | 1.437.100,00        | 778.000,00          | 84.72                                      |
| Capítulo 7            | TRANSFERENCIAS DE CAPITAL           | 210.000,00          | 0,00                | -                                          |
| Capítulo 8            | ACTIVOS FINANCIEROS                 | 0,00                | 0,00                | -                                          |
| Capítulo 9            | PASIVOS FINANCIEROS                 | 0,00                | 0,00                | -                                          |
| <b>GASTO CORRENTE</b> |                                     | <b>5.844.200,00</b> | <b>5.372.000,00</b> | <b>8.79</b>                                |
| <b>GASTO CAPITAL</b>  |                                     | <b>1.647.100,00</b> | <b>778.000,00</b>   | <b>111.71</b>                              |
| <b>TOTAL</b>          |                                     | <b>7.491.300,00</b> | <b>6.150.000,00</b> | <b>21.81</b>                               |

Con relación ao Orzamento de 2.016, último orzamento aprobado, o de 2017 supón un aumento de 21,81% no seu Estado de Gastos.

A estrutura do gasto varía moi pouco. Todos os capítulos, manteñen un peso específico bastante similar en relación ao total de gastos.

| <u>Capítulos</u>                       | <u>Porcentaxe de<br/>participación no gasto<br/>total en 2017 (%)</u> | <u>Porcentaxe de<br/>participación no gasto<br/>total en 2016 (%)</u> |
|----------------------------------------|-----------------------------------------------------------------------|-----------------------------------------------------------------------|
| Gastos de personal                     | 34.99                                                                 | 43.42                                                                 |
| Compra de bens<br>correntes e servizos | 38.24                                                                 | 38.70                                                                 |
| Gastos financeiros                     | 0.03                                                                  | 0.03                                                                  |
| Transferencias correntes               | 4.76                                                                  | 5.21                                                                  |



# CONCELLO DE XOVE

Camión Real. s/n. - C.P. 27870 Tfno.: 982 59 20 01 Fax: 982 59 21 54 C.I.F.: P - 2702500 - F R.E.L. 01270253 email: concello@xove.es

|                           |        |        |
|---------------------------|--------|--------|
| GASTOS CORRENTES          | 78.01  | 87.35  |
| Investimento real         | 19.18  | 12.65  |
| Transferencias de capital | 2.80   | 0.00   |
| Activos financeiros       | 0.00   | 0.00   |
| Pasivos financeiros       | 0.00   | 0.00   |
| GASTOS DE CAPITAL         | 21.99  | 12.65  |
| TOTAIS                    | 100.00 | 100.00 |

A continuación detállase en concreto cada capítulo de gastos e ingresos e as súas modificacións en relación co exercicio 2.016.

En relación cos gastos correntes:

**No capítulo 1º, Gastos de Personal:** Recóllense os créditos destinados ao personal en función das retribucións que se reflicten no anexo de personal. Cabe destacar o seguinte:

-O Proxecto de Orzamentos recolle o acordo adoptado polo Concello Pleno na súa sesión de data 7 de outubro de 2013 no que se aprobou a Relación de Postos de Traballo do Concello de Xove e se acordou o establecemento de un calendario de converxencia do persoal laboral co persoal funcionario a razón de 1 euro/punto de complemento específico por exercicio, partindo de un valor de 6 €/punto para 2014. O Capítulo 1 recolle polo tanto a subida de 8 €/punto a 9 €/punto do complemento específico, que somentes se verá reflexada en termos económicos en relación ao persoal laboral ( o valor do euro para o persoal funcionario sitúase en 15 €/punto, valor ao que hai que converxer) que non percibe complemento persoal transitorio, posto que para o resto do persoal laboral será este complemento o que absorva a subida do complemento específico.

- A pesares de que a Lei de Orzamentos Xerais do Estado para 2016 figura prorrogada, en principio, para 2.017, o que significa a conxelación das retribucións dos empregados públicos locais, o expediente orzamentario do Concello de Xove para 2.017 contempla nos seus créditos unha subida do 1% nos mesmos termos que para 2016, en previsión de contar con dotación suficiente para o caso de que a futura Lei de Orzamentos Xerais do Estado se aprobe con esa suba máxima.

Igualmente en previsión de que a taxa de reposición de efectivos se estableza nos mesmo termos que para 2016, nun máximo do 50%, excluídos os procesos de promoción interna, prevese a creación dunha praza de C2 a xornada completa de masaxista-socorrista.

Presupóstase neste capítulo o crédito necesario para atender o custo laboral do personal de carácter non permanente así como do persoal que, se a normativa o permitise, se podería contratar con carácter temporal para traballos determinados que non poden ser realizados por personal do Concello e sexan de necesidade para a debida prestación dos servizos municipais. O crédito figura consignado no concepto económico 131 dos diferentes programas de gasto da clasificación por programas.

O conxunto das retribucións do persoal funcionario o exercicio 2.017 fíxase, tendo en conta a prórroga da Lei de Orzamentos do Estado de 2016, na cantidade de 284.388,63 €, incluídos os Complementos Persoais Transitorios resultantes do proceso de catalogación dos postos de traballo. A Masa salarial do persoal laboral de carácter permanente ascende a 969.174,37 euros e a correspondente ao persoal de carácter non permanente ascende a 538.759,46 euros.

Dótanse asímesmo nas partidas 150 e 151 das distintas clasificacións por programas importes en concepto de produtividade, e gratificacións do persoal por servizos que podan prestarse fóra da xornada habitual de traballo.

Non se consígnase ningunha cantidade como aportación municipal ao Plan de Pensións.

Consígnanse 14.000,00 € con destino ó Fondo Social do persoal.

Este capítulo supón unha diminución en termos absolutos de 48.700,00 euros xa que, a pesar do incremento previsto das retribucións, no caso de que isto fose posible, durante 2016 estaba contemplada a devolución parcial da paga extraordinaria de 2.012, o que supuxo arredor de 80.000 euros.

**O capítulo 2º, Gastos en bens correntes e servizos,** supón un 38,24 do orzamento total, porcentaxe igual que en 2.016, e a súa contía supón un aumento do 20% respecto de 2016, 484.500,00 euros mais en termos absolutos. Os aumentos fundamentais son os seguintes:

- En Urbanismo prevese dotación para a redacción do Proxecto de redacción do Plan Especial de Reforma Interior D1 da Área de Reparto 3, por importe de 95.000,00 euros.

- En Administración Xeral prevese dotación para a realización de un concurso de proxectos de remodelación da casa do Concello e Centro Cívico, por importe de 50.000,00 euros.

- Prevense aumentos nas dotacións de Carreteras e Outras infraestruturas para o arranxo de carreteras e pistas forestais, en contía aproximada de 120.000,00 euros.

- En Distribución de auga e rede de Sumidoiros prevese a redacción do proxecto de ampliación da depuradora de Caínzos así como para a realización de un inventario da rede de saneamento, e igualmente realización de obras de obras de reforma e colocación de contadores en depuradoras e depósitos municipais. Importe aproximado de 50.000,00 euros.

O resto dos aumentos están repartidos entre os distintos grupos de programa do gasto.

**No capítulo 3º de Gastos Financeiros,** fíxanse as cantidades precisas para facer fronte a gastos financeiros diversos coma comisións e similares. Esta contía estímase máis que suficiente.

**No capítulo 4ª, Transferencias Correntes,** recóllense os créditos destinados a subvencións nominativas en distintas áreas (Cultura, Deportes, etc.) que se detallan polo miúdo nas Bases de Execución do Orzamento. A respecto das axudas que contan con convocatoria propia, cabe destacar as seguintes:

- Partida 231.480 Axudas de emerxencia social: 5.000,00 euros.

- Partida 241.470 Axudas do Plan de Emprego Municipal: 80.000,00 €

- Partida 326.481 Bolsas ao estudo: 45.000,00 €

- Partida 334.481 Premios e concursos culturais: 3.100,00 €

- Partida 341.481 Premios e torneos deportivos: 6.000,00 €

- Partida 338.481 Premios e concursos en materia de festexos 2017: 4.500,00 €

- Partida 412.479 Axudas para explotacións gandeiras de gando vacún: 15.000,00 €

Tamén se recolle neste capítulo a cuota anual a abonar á FEGAMP e á FEMP, así como á Mancomunidad de Municipios da Mariña e a aportación ó financiamento dos grupos políticos.

As variacións nas asignacións nominativas son as seguintes:

- En 2016 non estaba prevista a axuda concedida á Asociación Cultural TechnoXove para a organización da festa da xuventude. A axuda concedida en 2.016 procedeu de unha modificación de crédito aprobada en Pleno. Dótase a contía de 6.000 euros.

- Aumento da asignación en 5.000 euros para o Clube de Natación.

- Consignación de unha axuda de 2.000 euros ao Clube Ciclista.



# CONCELLO DE XOVE

Camiño Real, s/n. - C.P. 27870 Tfno.: 982 59 20 01 Fax: 982 59 21 54 C.I.F.: P - 2702500 - F R.E.L. 01270253 email: concello@xove.es

-Consignación de unha axuda de 10.000 euros para a ACIAM de Xove.

Este capítulo incrementábase en 36.400,00 euros.

En relación cos gastos de capital:

**No capítulo 6º, Investimentos Reais**, os créditos previstos están en correlación co anexo de Investimentos para este ano. O investimento total sitúase en **1.437.100,00 €**, superior ao de 2016 (659.100,00 € mais que en 2016). Os únicos financiamentos externos previstos para os investimentos recollidos no Anexo son os derivados da aportación da Deputación Provincial para o o exercicio 2017 para o proxecto de mellora de camiños de titularidade municipal e a aportación á obra de eficiencia na iluminación pública prevista no Convenio asinado en 2.016.

O abultado incremento deste capítulo vese permitido como consecuencia do incremento da recadación no capítulo 3, concretamente no concepto 332, como consecuencia da modificación durante 2.016 da Ordenanza Fiscal reguladora da taxa pola ocupación do dominio público local por empresas explotadoras de servizos de subministro.

**No capítulo 7º, Transferencias de capital**, a dotación existente é a mesma que no seu día foi consignada no Orzamento de 2.015, incorporada ao orzamento de 2.016 e aínda non executada, cal é o convenio existente con ADIF para a para a realización da obra de ampliación do paso superior da liña férrea Ferrol-Gijón en Pumariño.

## Diferencias entre Orzamentos. Estudio dos distintos capítulos

En definitiva, o incremento do orzamento para 2017 ascende a 1.341.300 euros, que se corresponden cos incrementos (en contía aproximada) do capítulo 2 en 484.500,00 euros; do capítulo 6 en 659.100,00; do capítulo 4 en 36.400,00 euros; e do capítulo 7 en 210.000,00 euros e a diminución do capítulo 1 en 48.700,00 euros.

## Diferencias entre Orzamentos. Estudio dos grupos de programas

Como consecuencia da existencia de un cambio da contabilización e intercambio de gasto entre clasificacións por programas motivado pola necesidade de rendir adecuadamente o coste efectivo dos servizos, resulta imposible efectuar unha comparación entre os orzamentos para destacar as diferencias máis significativas entre 2016 e 2017.

## ESTADO DE INGRESOS

| INGRESOS   |                         |              |              |               |
|------------|-------------------------|--------------|--------------|---------------|
| CAPITULO   | DENOMINACIÓN            | 2017         | 2016         | Variación (%) |
| Capítulo 1 | IMPOSTOS DIRECTOS       | 3.915.000,00 | 3.859.700,00 | 1.43          |
| Capítulo 2 | IMPOSTOS INDIRECTOS     | 8.000,00     | 5.000,00     | 60.00         |
| Capítulo 3 | TAXAS E OUTROS INGRESOS | 3.203.491,60 | 1.302.580,00 | 145.93        |

|                           |                           |              |              |        |
|---------------------------|---------------------------|--------------|--------------|--------|
| Capítulo 4                | TRANSFERENCIAS CORRENTES  | 1.169.300,00 | 1.115.000,00 | 4.87   |
| Capítulo 5                | INGRESOS PATRIMONIAIS     | 34.500,00    | 62.420,00    | -44.73 |
| Capítulo 7                | TRANSFERENCIAS DE CAPITAL | 122.908,40   | 141.300,00   | -13.02 |
| Capítulo 8                | ACTIVOS FINANCIEROS       | 0,00         | 0,00         | -      |
| Capítulo 9                | PASIVOS FINANCIEROS       | 0,00         | 0,00         | -      |
| <b>INGRESOS CORRENTES</b> |                           | 8.330.291,60 | 6.344.700,00 | 31.30  |
| <b>INGRESOS CAPITAL</b>   |                           | 122.908,40   | 141.300,00   | -13.02 |
| <b>TOTAL</b>              |                           | 8.453.200,00 | 6.486.000,00 | 30.33  |

No tocante aos recursos ordinarios (Capítulos 1 a 5), a previsión de ingresos correntes permite dar cobertura aos gastos correntes, así como ao capítulo 6 de gastos pola parte financiada con recursos propios. A continuación dase explicación á dotación dos distintos capítulos:

**No Capítulo 1º, Impostos Directos,** os ingresos previstos teñen por base, consonte ao establecido na Consulta 11/93 da Intervención Xeral da Administración do Estado, o importe anual das entregas a conta que a Diputación Provincial, como ente xestor do IAE (parcialmente), IBI e IVTM, efectúa ao Concello, maila liquidación correspondente. A variación do 1.43% ven debidamente explicitada no informe económico-financieiro que consta neste expediente de orzamento para 2017 e básase fundamentalmente na previsión de unha meirande liquidación dos impostos xestionados pola Deputación Provincial, en consonancia co recibido en 2.016. Igualmente constátase un aumento do recadado polos catro recibos de ALCOA. Este capítulo diminúe a súa participación no volumen total de ingresos en relación co exercicio anterior: un 46,31% fronte a un 59,50%.

**O Capítulo 2º, Impostos Indirectos,** toma de base para a previsión as liquidacións a practicar por solicitudes de licencias urbanísticas de Obras Maiores e Menores. O importe que se presuposta é lixeiramente maior que en 2.016 en consonancia coa recadación de 2.016.

**O Capítulo 3º, Taxas e outros ingresos,** as previsións teñen en conta as tarifas establecidas nas distintas Ordenanzas vixentes e outros ingresos diversos. Os conceptos orzamentados teñen como base o número de abonados a cada servizo prestado.

Como xa se mencionou anteriormente, o considerable incremento deste capítulo débese á entrada en vigor en xuño de 2.016 da modificación da Ordenanza Fiscal reguladora da Taxa pola ocupación do dominio público polas empresas explotadoras de servizos de subministro, o que comportará durante 2.017 un aumento das previsións de aproximadamente 1.500.000 euros.

A participación deste capítulo no volumen total de ingresos aumenta polo tanto de un 20% a un 37.90%.

**No Capítulo 4º, Transferencias Correntes,** prevense exclusivamente a participación nos tributos do Estado, o Fondo de Cooperación Local da Xunta de Galicia, a axuda para dependencia e servizos de atención primaria, a axuda para o mantemento do xulgado de paz e o Convenio asinado con Medio Rural para a prevención e extinción de incendios en 2.017.



Este capítulo diminúe en catro puntos a súa participación dos ingresos totais debido aos seguintes factores:

- disminución da previsión en concepto de participación nos tributos do Estado como consecuencia de un menor anticipo recibido en 2.016

- un aumento da axuda a percibir da Xunta de Galicia como consecuencia do aumento das horas concedidas para a prestación do servizo de axuda no fogar na modalidade de dependencia

- a previsión da axuda reflectida no Convenio para a prevención de incendios forestais, ao tratarse de un convenio bianual (2016-2017).

**No Capítulo 5º, Ingresos Patrimoniais,** prevense os rendementos das contas bancarias do Concello así como o canon de explotación do bar do Centro Cívico, aluguer do local donde se ubica o veterinario, aluguer das vivendas de Agramonte, e outros que regularmente se perciben.

**No Capítulo 7º, Transferencias de Capital,** prevese a aportación da Diputación de Lugo para o financiamento do proxecto de investimento a realizar en cumprimento do Convenio asinado para aforro e eficiencia enerxética, así como a súa aportación ao Convenio asinado co Concello de Xove para a mellora de vías de titularidade municipal.

Os créditos dotados para todos estes capítulos detállanse polo miúdo no Informe Económico e Financeiro que con esta mesma data se incorpora ao expediente orzamentario.

#### Diferencias entre Orzamentos.

Constátase un aumento en todos os capítulo do Estado de Ingresos, con excepción dos capítulos 5 e 7 polas razón antes explicadas.

## 4. NIVELACION E EQUILIBRIO

O orzamento de 2017 non se presenta nivelado nos seus Estados de Gastos e Ingresos. Preséntase sen déficit inicial, con un superávit de 961.900,00 euros.

O teito de gasto sitúase para 2017 en 8.411.798,16 euros, o que deixa unha marxe considerable de aproximadamente 920.000 euros para, dando cumprimento ao obxectivo da regra de gasto na liquidación, permita á súa vez facer fronte a modificacións de crédito durante o exercicio.

As previsión de ingresos correntes ascende a 8.330.291,60 euros, variando en termos absolutos en 1.985.591,60 euros, mentras que os créditos para gastos de igual natureza alcanzan o importe de 5.844.200,00 euros, variando en termos absolutos en 472.200,00 euros.

Asimesmo, o aforro bruto previsto (Ingresos correntes menos gastos correntes) ascende a 2.486.091,60 euros, que coincide co aforro neto, cumpríndose, en consecuencia, o principio de equilibrio orzamentario.

O Orzamento para o exercicio 2017 cumpre co principio de estabilidade orzamentaria. A capacidade de financiamento amosada en términos SEC reflexa a prudencia na presupostación, que se manifesta asimesmo no feito de que os axustes a realizar sobre as previsións iniciais nos capítulos 1 a 3 son positivos.

En Xove, a 13 de decembro de 2016

O ALCALDE- PRESIDENTE

Firmado digitalmente por NOMBRE SALGUEIRO  
RAPA JOSE DEMETRIO - NIF 33993648Q  
Nombre de reconocimiento (DN): c=ES, o=FNMT,  
ou=FNMT Clase 2 CA, ou=703013701, cn=NOMBRE  
SALGUEIRO RAPA JOSE DEMETRIO - NIF 33993648Q  
Fecha: 2016.12.14 10:40:33 +01'00'

Asdo. Demetrio Salgueiro Rapa